

鵝洲申氏世譜 仁

戊申（一九〇八）邑派譜





# 鵝洲申氏世譜新刊序

夫人既有姓則不能無族既有族矣則不能無譜此周官莫繫之法所以作也。有宋歐蘇氏始有譜書行於天下而東土大夫多做而行之。殆家傳而戶藏不亦美哉。今鵝洲氏國之顯族也。自勝國來歷年七百餘歲。歷世凡三十而源遠而流長。根深而柯茂。布濩一國。益熾而昌。往往有黃太史益陽之歎。則殊非同根一源之義也。身曆甲辰鼎峰公弘道。悟峯公之梯略。成草譜。願齋公悅道。又續修之。篇第幾就。而伊後泯沒無傳。可勝惜哉。中間修譜之論屢發。而鄭重而未逮者久矣。

鵝洲申氏世譜序

今其裔孫敦植甫慨然以此事為急。博攷前史。並採各派家乘。編為五冊。而諸宗協力。函付剞劂。蓋積一生之精力。而為茲追遠者也。按申氏之先在震初。有壯節公崇謙。以開國元勳。大顯于世。是為鼻祖。中世有門下侍郎益休。以軍功錫封鵝洲。是為分貫之祖也。繼而有貞肅公允濡。清名直節。擬於唐介。退齋公祐當麗。襄與洛隱先生有携手同歸之契。親睦泣血。有雙竹生墳之異。蓋思孝二字。即世傳之箕裘也。奕葉相承。聯徽疊照。若靜隱公之孝友。文雅。崢嶸。清齋之文學。清致。皆足以濟其美矣。梅堂公則卓異之行。醇正之學。具盡於三綱行實。不待愚言之贅矣。與溪之輔徐。義舉。其處之重光。

聖賢亦足以有辭於世矣。虎溪之學問，節義晚悟之經傳，風節頓齋之淵源，道義蔚然為難兄難弟，有光在前，烈忍齋之遠聲懿行，至享士林之俎豆，豈非克家庭而善繼述者歟。由是觀之，則是譜也不直為列叙昭穆備錄瓜系為一家一門之一部傳史而已，止有以闡忠義之先烈，下有以垂誨友之家，謀推而達之家，而國而則抑將大有補於世教矣。程夫子所謂管攝天下人心，收宗族而厚風俗，其言豈欺余哉。余既感敦植君追遠之誠，又嘉申氏之世烈，於是乎書成，申黃花鄧前行，義禁府都事，聞韶全道和謹序。

頓齋瓜譜序

世譜序

二

譜者普也，所以普其親也。系者繫也，所以繫乎祖也。昆之初生猶水之始發，一源洵洵，萬派分流，苟不追其源而溯其自，則潛沈之流安知其分於江，而沈滂之派安知其別於濟也。周禮小史氏掌邦國之志，以奠氏族，而辨昭穆，此譜系之所由起也。天下之得姓者何限，而惟積累之家得久昌焉，亦或由光啓於前而不克，靈承于後，榮悴衰旺判若二譜焉。人後而修譜事者，可不知所以鑑哉。申之先平山人祖壯節公，世襲鄉相，傳十有二葉，而至鵝洲君，因封以錫鄉鵝洲之申，始乎此四世而版圖公，鳳鳴于朝，五世而退齋公，以孝格于天，十一世而靜隱公，悔堂公，至行純焉，有曾聞之壽，十二世而



興溪城隱二公有忠孝大節十三世而城隱公三子虎溪公  
以德享稱晚悟公以忠直顯賴焉公以道義傳而若夫事君  
致匪躬之節事親盡養志之誠則俱無間然嗚呼忠孝是性  
分中所固有非自外摸掾來則宜若夫夫之可能而至於造  
其極盡其道則古今千百世只不過歷歷計若而人是豈容  
易可說做到哉惟申氏自壯節公以下將數三十世以忠孝  
爲家運父季子繼兄傳弟授嘉謨偉蹟炳朗青史昌衍長發  
冠冕一方不匱永錫豈不信哉何其盛也族大以繁迄未成  
譜我舅氏愚隱公嘗有志而不克就胤子漢宗善繼述惇親  
睦詢於其宗人龍海氏及閩教氏曰譜議未敦責在後人而

事鉅力綿衆志難一瓜譜之偏行不寧愈於己乎僉曰諾於  
是相與眷梁而經紀之源始乎壯節瓜傳於賴齋修繕既整  
棗補行舉屬光睦以弁首之文余惟自出不敢以庸淺辭乃  
謹受而復之曰是舉誠孝矣哉報本敦宗孰大於是蓋仁是  
萬善之本孝悌是爲仁之本苟能務而立之推而廣之恒以  
祖先所積累而燕貽者爲箕裘焉則後日之昌大亦當賴今  
日之告裕矣光睦亦在外裔得其世德者尤詳庸書以奉勗  
焉歲丁卯中和節外裔孫通政大夫前行承政院右副承旨  
兼 經筵叅贊官春秋館修撰官豐山柳光睦謹序

又新刊序

嘗載原序後而印畢請文故仍書于此

族之有譜古也周之宗法漢之世表是已惟我申氏實三韓  
大族自壯節公後紹休趾義紹蟬聯芳豈特王謝之於晉崔  
盧之於唐而止哉洎于鵠洲君封軍功以錫鄉厥後克肖奕  
世彌昌思於國孝於家 旋間而載於史乘崇正學衛斯道  
各世而著於簡策忠孝學問成一家規於不顯乎貽謨裕昆  
孝思不匱敦植氏齋誠修譜合諸派爲大同則有光于前流  
慶于後寔累世未違之盛舉也天其有待於今日耶二將訖  
龍變南袖書遠涉問序於余乃歛衽而對曰有是哉昔張橫  
渠不云乎宗法若立公卿各保其家忠義立而朝廷尊誠識

世譜序

務經世之至訓而合於古先聖王維持人類之制竊考禮經  
凡族有九土治祖禰尊尊也下治子孫親親也傍治舅弟別  
以禮義大宗以之率小宗小宗以之率羣弟所以明昭穆叙  
族類以扶人紀者獨譜牒爲重且大矣嗚呼同是譜者推源  
反本以擴親親之道則孝悌之心油然而生敦睦之風翕然  
而作推之鄉而達諸國豈非叔世之一勝事耶事力野及衰  
狩與續譜深有望於來雲勉之哉戊申南至月上泮宗後入  
通政大夫前行青松府使觀朝謹序



譜例

一 譜之壯者公而長中葉以軍功封鵝洲以賜姓于巨港  
一 而後其後裔以麗史地誌及輿地勝覽所載本縣沿革古  
蹟冠二卷首以示不忘肇基之意

一 壯者公以下繫于原編而鵝洲君以下幾世亦為同源故  
俱入源以變繁色龜分以之繁各以編從其便於攷閱  
一 壯者公當為一世起數而後遂分貫故不懸代數鵝洲君  
亦宜起數初而家藏世牒以太師公始起故仍依古例  
一 題豆文蹟乃是先賢所著而就其造詣之深蹟履之廣為  
于孫者尤當銘誦焉故騰入于首編

凡例

四

一 先世有碑表誌碣遺事則撮要于首編俾渙散雲仍據知  
祖先行蹟之如何耳

一 圖揭皇明紀年本 朝世代摺準各以懸錄之年歲或前  
稱左則以此憑攷釐整專

一 得貫以後譜牒猶未鈔梓故騰出舊草譜悉巨警校期或  
大同譜剗刷而未克圓成耳

一 稱譜原蕙氏縱譜系歐陽氏我東諸譜并從蕙氏例近世  
子姓彙行編秩浩大始為其簡省從歐氏例蓋隨時道變  
之義而若其義例則縱橫不必大拘泥也

一 譜例務從省約變并而行定以四世為一起每二世低一



字則一閱而可悉四世也以字高低別昭穆慮有混淆紊亂故自其派逐填世代且宗法五世而親盡則以繼曾祖之孫為宗故四世而成小宗也再起上方以小字列書初起四世高曾以下以明其所從來亦以見小宗合大宗之義而但兄弟則更不書父嘯

一宗編初行細書幾世者凡四世其下大書某號某派又其下書第幾起每板左端書千字文每起上下置一小圈逐填原板字號互為照應以便考覽

一旁註備書字號科第官爵生沒墓坐及碑誌撰主而顯號書之配位書父某或某女有顯祖書之生歿墓坐并書之

凡例

五

一生前必書皇明年號崇禎甲申後則書本朝宗號歿年與配位下不書者以推此甲而可知也又書忌日以重報本之義而但名單中或書或不書故錄有詳略覽者諒焉

一前配有子女則書所舉子女以明其所自出而繼配下不書者可以推知故略之

一本宗用先男後女之例而女下用序一序二字以別其行第無男女則書无后無男有女則書无男若有所后則書系子而旁註書本生親又於所生親下書系某以便考視各派入野居地名雖因墓所可知而今並書編頭以便訪若一派中散居者不書



一死曰配生曰室而或違錯者覽者恕焉生卒字書年上或  
年下者隨其名單書之也

一六十以前書年幾六十以後書享年幾以明年齡之高遐  
或有世代久闕而不獲已以孫系祖者虛一間置二國亦  
書系子以定昭穆

一我東風俗嫡庶分嚴修譜失和今此諸事體祖宗一視之  
義刪祛庶字導迎和氣永垂親睦

一訖役呈單者雖失倫第而仍付追編以俟後譜修整

一邑派分後至梅堂先生兄為靜隱派長子為興溪派次子  
城隱公伯子為虎溪派仲子為晚悟派季子為懶齋派彙

凡例

六

分五箇編而興溪派中又分為五派然總為興溪派一編  
覽者詳視之則不無意義在編輯焉

一我申散處各坊移澳它郡然井井收合成一譜然後侃然  
有充堂行字之樂凡我僉宗自今以往惇修親睦貧窮相  
恤患難相救慎勿驕昂慎勿誇矜勿相慢侮勿相閤閤勿  
厭勝已勿謀害人  
不勝為勝不快為快恒修退讓恒守謙  
恭無忝先世之懿德焉

一呈單層登整書促迫初再起下方字號標圖或有久闕受  
秩後各自書入事

# 鵝洲申氏世譜新刊首編一

貫錄沿革

巨濟縣本海中島新羅文武王初置裳郡景德王改為巨濟郡高麗顯宗九年置縣令元宗十二年因倭失土僑寓居昌縣之加祿縣忠烈王時並于管城尋復舊有比加助音島屬三島洲極邊溟珍。出麗史

巨濟府本朝 太宗朝並居昌各濟昌尋罷 世宗朝還舊

島為縣 肅宗朝陞府 出文獻備考

居昌本新羅居列郡高麗顯宗屬陝州元宗時巨濟縣避三

貫錄沿革

別抄之亂僑治于加祿仍稱巨濟我 太宗朝合于巨濟縣

世宗朝還本島縣亦還屬于居昌 出東國輿地勝覽

鵝洲縣本新羅巨老縣在巨濟島景德王改今名為巨濟郡

領縣高麗因之 出麗史地誌

鵝洲縣本新羅巨老縣巨一作居昭聖王為學生祿邑高麗入巨

濟 在東二十里。出文獻備考

鵝洲村巨濟寓加祿時以本島內屬縣及驛院置於加祿之

境鵝洲村在郡東十里 出東國輿地居昌古蹟條

按中世一門諸先輩大小榜眼或書以鵝洲或巨濟或梅

城云者必以屬縣而互稱之歟



院祠文獻

平山太師祠上樑文

外裔孫都承旨李敏求撰

英雄餘事業永垂一統之勳楹楯歛穹崇寧隨百世之祀重  
營妥靈之室兼寫報本之誠伏惟高麗開國功臣太師壯節  
申公草昧逢辰經綸邁會華宗嘉牒舊標嶽降之祥沉勇深  
機獨擅神資之異初發跡於戎陣遂馳志於功名天惟眷民  
理必濟於塗炭烏亦擇木契當合於風雲逮于恭封之失綱  
乃爲億兆而請命閔時日之曷喪明動厥衷知曆數之有歸  
密贊其決龍旗始建下武之運斯隆虎符頻分中權之績攸  
著雕弧在御承射鷹而疏疆玉帳運籌擬操鷄而拓土河意

院祠文獻

隣邦之背誕斯勤王族而徂征楚卒尚彊榮陽嬰月暈之急  
齊師不振華泉沾駸絰之危殺身成仁溫序之三節徒奮代  
君任患紀侯之黃屋不還沙磧橫屍軌驗先軫之面丘原復  
矢但刻鮑信之形質毀名完人亾事濟樵蘓封葵臨象冢而  
長悲帶礪申盟撫鷄槃而永悼梁祠汗馬實表蔣文之靈唐  
殿頌拔虛傳禹徹之姓惟其不隨死而昧昧是以如在上帝  
洋洋麥詎賜貫之鄉別創立神之宇身騎箕尾列星辰而御  
陰陽水在地中擁幻艾而親酒食祭以春秋兩日迨茲七百  
餘年頃緣胡孽之憑陵而致廟貌之顛倒風麾雷厲吳興之  
靈跡雖彰盡壁蛛絲西蜀之遺祠已撤嗟傷尚載於行路痛



畫况切於來雲計工商財則驃騎將軍之貴勤時集事則駙  
馬都尉之尊厚地陂陀後址仍恢於曩築高堂明王華構復  
起於新規後廣前修瞻八達之楹棟羣趨競勸見一方之幟  
幟向之蓬蒿瓦礫之區居然香火蒸嘗之所英威未泯闡赤  
鬼之嘶風精爽猶存免金像之沐雨雲霞滄溟鳳繞璇標鬼  
物扶持龍纏玉柱秋清氣朗舉雷斧而勸功日言辰良架虹  
梁以程役庸申善頌敢相勸誥兒郎偉拋梁東盡角山城旭  
日紅滿月臺前餘舊路時時朝謁四王宮兒郎偉拋梁西遼  
塞烟塵白日迷叱咤風雲驅列缺手揮長劍剪鯨鯢兒郎偉  
拋梁南羅濟封疆想戰酣聖代祗今歸一統當時凡楚記遺



談兒郎偉拋梁北茫茫世界俱昏黑天樞不動衆星環萬古  
丹心長拱極兒郎偉拋梁上高穹九萬何昭曠精神烈烈雷  
行天長衛君王陪法仗兒郎偉拋梁下城外桑麻遍四野風  
雨調和百穀登田家笑語開秋社伏願上梁之後臺隍增重  
丹雘長新蘭藉蕙肴勝饗千古翠旒孔蓋登降九天斬筭鞭  
重掃妖氛而靖邦域徵祥禦稜驅厲鬼而壽我民洪庥後昆  
永鎮西土

二十代孫東陽尉翊聖書

春秋享祝文

文忠公金堦製

潛谷

統三爲一元功大節百代瞻仰爭光日月茲奉肅豆薦以牲血

尚州涑水書院上梁文

通禮李元圭撰

錫谷



一邦儒化既醉心於當時百世不忘宜辨香於茲土卽此規模之革舊忽然風采之昇新嘗觀昔賢經過之鄉必有後來瞻仰之所卧龍庵設諸葛之號偶然相符棲鳳院名道卿之行不過一宿茲皆出於好賢之攸篤矧今仁者遺澤之所存恭惟按廉使退齋先生誠通鬼神本立忠孝血淚八土竹抽孝子之心風霜灑道崇映銜史之節惟其近君子之居若此所以得親覲其德者深月城君愚齋先生視民如傷澤物爲利活我壽我福我出靈佛於西天殷斯勤斯問斯呼慈母於赤子不謂其暫留一日至于今永戴二天雖先後遠近之不同實觀感忻慕之無間去後遺愛猶知事生之薦虔卽茲爰

靈敢昧尙賢之以禮載經營之爰始亦謀度之自初尸祝以安已經諸老先生之指教民彝同好益見一縣多士之心勤覩虹袞之忽騰喜鳥革之如跂羣山卓立瞻氣像之峩峩大川彎迴悟本源之混混牲幣俱潔二丁之享祀始修門墻益高諸子之依歸有所願有所自遠而來者當見賢思齊而敬焉人無曰則亡瞻之在前仰之在上道如是而可入則爲孝出則爲忠無墜前輩之儀刑益懋古人之事業助以善頌樂此成功拋梁東二子高名孝與忠莫謂典刑今已遠表章將欲啓羣蒙拋梁西山高萬頃豈能齊雖然勉勉無停步分寸攀緣似有梯拋梁南涑水清光玉鏡涵獨樂園中當日樂請



君須向此中探地梁北道波浩浩流無極沛泗如欲尋真源  
從此撐舡各努力拋梁上水若增清山更爽當見洋洋知所  
趨莫令貿貿迷攸往拋梁下倚檻平看千頃野不耕而穫非  
所聞務學當如農務稼伏願上棟之後齊一變而至魯已百  
能之加人左圖右書有朝夕游泳之樂上棟下宇無風雨震  
陵之灾但知聖賢之經訓蓄舍不憂貧而憂道不願富貴之  
膏粱文繡無外馳而外營將使荒濱寂寞之餘庶覩感際文  
明之化

退齋先生奉安文

副提學金應祖撰

鶴沙

密於商顏實乃僻縣地偏以左岸學最遠不有君子曷樹風

天

院祠文獻

四

聲按廉挺世本立道生至誠感神筭抽血泣大字鐫石赫赫  
前日月城鸞樓文翁化蜀異治登聞徵黃增秩深仁厚澤浹  
民肥骨惟我兩賢前後揆一世遠人亡芳躅如昨民彝同好  
報祀寧忽顧惟生祠制度疎略矧在鄉賢俎豆尙闕合祠并  
享先正遺教迺卜新基有儼清廟溪山動色雲物增輝眉言  
妥靈酒香牲肥清明如在典刑逾新庠幾欽格牘我後人

常享祝文

八世孫悅道製

孝通天地誠貫雙竹本立道生百代準則鄉邦後學景慕維  
均屬茲仲春時敬薦精禋

義城藏待書院



悔堂先生奉安文

葛庵李玄逸撰

至性天全不待勉彊事生之節送終之誠人無間然可也參  
孝本既立矣隨事逢源行悖于家善推於外乍就微祿負米  
之心竭誠賑飢濟人之惠贄文往謁慎齋之門屢蒙賞嗟許  
以德器研精篤學言行相符飽德來歸佩服終始閱我後學  
無處藏修慙斯勤斯庠塾之事勉勗後進以衛斯文遺澤在  
人百歲如昨沒世愈久仰德滋深瞻彼崇阿有儼廟貌日辰  
之吉予以安靈青衿鬪來籩豆有楚千秋無替歆我馨香

常享祝文

孤山李惟樟製

心存孝弟學務踐實表裏相符無憾存歿

院祠文獻

五

義城丹邱書院上樑文

後學豐山柳疇陸撰

漢室

鄉社有祭古人重崇報之儀藏修以祠後學寓慕感之意奚  
但推宗于宿德抑將矜式於斯文恭惟虎溪先生惟孝是源  
退齋悔堂之胄為賢所獎理義文學之才師門有愛敬之推  
承岡俞而旅老仕路持辭謝之義對沙西若白軒星夜勤王  
仰忠誠於當日氷山割藉凜直氣於千秋明誠集義之工交  
修講蠶牛於平素尊攘斥和之章首抗辨熊魚於蒼黃九莖  
林泉作神仙於平地一命祠祿付浮雲於先天猗歟懶齋先  
生學勵為儒才蘊其具通明溫雅生稟異凡之資經術文章  
成就一家之業謁寒聞蕨高足於門庭證愚靈修上項之道



義蜚英初載播越之 駕是從航朝 南天忠讜之節始著  
几案不撤朱墨中朱書屏障與同聖功上聖學疏伸大義於  
天下後山城第一議論約行四條於海隅即旁隣凡百觀感  
遭斥於世行將泰然盡瘁之心死而後已是皆本之授受易  
不感乎行藏粵若忍齋先生小學之自家家書即是免暑時  
語聖訓之隨類類揭蓋將列肺爲銘私淑有說論學有圖造  
次必於是厓鶴與聞修木與質就正其在斯三某之欄嶺數  
大儒六行之薦館首華閭縱不售於登庸固無傷在爲己窮  
念丹邱之佳境最高韶州之名區真同白鹿之遺墟清冷竊  
窺允合青襟之靜會曠遠幽閒惟茲三老之棲遲寔是一堂

之倫叙昔嘗陪侍於函席尚有典型於樞衣藹然其仁家庭  
見孝友之行養之以德鄉里服忠信之孚斯其實學之內充  
繁乎英華之外見噫遺教之不泯孰無傳誦之懷而遲蹤之  
所在舉切想像之感不有明宮俎豆之舉詎寓永世羹墻之  
思爰諏一區於舊居實取九成之美義伊江山點綴之相似  
物色增輝矧杖屨遊賞之所於警咳如昨則百年人事之遷  
就庶今朝不日之經營瞻聆一方佇見高棟之突兀茲茲三  
哲永有明德之馨香寧吾黨隆師之誠得遂而已顧雲孫積  
世之願何幸如之茲涓叶吉之辰敢獻升梁之頌兒郎偉拋  
梁東鳳峰朝日上晴空平生禮樂周旋地猶有祥輝一氣通



西鳳山一秣夕烟低小車想得從容日江鳥山花盡品顯南  
淵泉混混去成潭梧桐天外月輪霽印作中心淨似藍北還  
墟百載人應識松篁一壑帶寒風依舊蒼蒼歲暮色上天為  
斯文未嘗喪直是性無今古殊由來只在人能養下洋洋黃  
卷盈塵架聖賢言行此中留讀得方知有為者伏願上標之  
後箴刑不替風韻長存禮備情禮尚洋洋而如在士習餘教  
當濟濟而克生蔚為鄉邦之耿光永承君子之遺澤

虎溪先生奉安文

後學校理韓山李敦禹撰

百卷

顯允先生忠孝全德雪立因軒澤麗桐石本之才資濟以學  
功匡老定評義理明白愚翁鑑識天分高卓院削奸魁禮質

院祠文獻

七

函席西戎豕突羸糧赴急酬以一郵蘓我蕩析及夫尋獮元  
戎涕雪義旗西指南城峯律和言蘖芽奈彼賣國疏陳萬言  
綱常賴植故園春晚詩出腔血謝事南遷山間草屋娛以書  
史持以謙牧人補地仙邦有遺逸推原反始宜享芬必惟陳  
徐氏况有故寔因循未遑歲幾三百藐茲後生積世管度亦  
粵懶翁同氣合德夢及恐命克紹家學兩世風範百年如一  
合睽同堂情禮允叶念茲丹邱山水清淑三位倚卓數間丹  
牖或聯或配從其昭穆爰舉緝儀辰良日吉樽俎潔清襟紳  
齊越陟降在茲惠我無極

常享祝文

上全



學傳師訣義扶 邦綱餘教在人報祀無疆

懶齋先生奉安文

上全

顯允先生淑氣降鍾趾美令祖考德賢師爰暨二兄墳麓唱  
學簡重自晦鶴銘匪諛儒門得人旅評則哲已自妙歲高名  
四馳臯鶴聞天歷敷華貫西戎內通扈駕沁都時人議和抗  
章論斥朝天海路坦如康莊事由近曾責我潛買呈書禮部  
光國之休柔兆卜城死以爲誓隨身以帶處家以書舍忍南  
歸遂我初服斷斷忠赤北闕于懸屏陳十圖疏論交泰啓沃  
翼翼百世可師久擬安靈因循未舉何幸近歲公議僉同緬  
惟溪翁道同德合亦粵忍爺克紹庭學衿紳合謨敦讓齊享  
從以昭穆或聯或配一家三賢亦微齊美茲涓吉日爰舉經  
儀神理安安人情胥悅將事之始敢伸厥彝伏惟尊靈歆我  
牲醴於千百歲勿替引之

常享祝文

上全

春秋至義淵源正學墳麓一堂永享千億

忍齋先生奉安文

上全

顯允先生天資端確庭傳詩禮工飮圖書學曰吾家孝著冲  
歲克養有節本立道庄私淑鶴屋摳衣旅老沉潛閩洛羽翼  
韓歐文章早成窮達一體明時遯跡江湖好緣壁水題名館  
稱三某行全孝友學造高明晚暮藏修爰契知止閑中梅竹



院祠文獻



靜裏衣冠潛修隱求旁及百民牧伯致敬木老忘年儵然出  
塵孚尹旁達惜未見用命與時違潛德幽光至今裕後曠慕  
架寫易以報塵厥有令規驗于童澤儒林合議爰就丹邱載  
度載營粗成齋閣杖屨曾憇俎豆允宜筮吉蠲躬揭受神位  
既右溪老亦右頤翁予以配之于二公廟同堂合食赫世彌  
光陟降在庭象設有儼一氣勝蠻幽明理同神庶樂康願我  
歆我其永無歎惠我光明

常享祝文

上全

尊程十圖道著六行躋配二考一體祗敬

義城梅岡祠

院祠文獻

九

靜隱先生奉安文

前朝贊豐山柳尋春撰

江皋

退齋賢孫悔堂難兄姿稟粹美操履堅貞至性出天性行之  
源厨有具味滌不替人上堂起居親心克悅誠感靈藥老追  
雙竹比古黔婁於今二連道在躬行學期精研勉勉之工實  
地真諦篤于友愛惟兄及弟曷以征邁俾從之師曷不欽慕  
六賢攸題教子義方迪人遜梯長川舊院繫誰經始一命  
不起風樹之思藏修脫計同深溪回扁齋靜隱養我情性樂  
在書史間以嘯詠高風懿範想像不護尸祝之闕士林攸歎  
矧爾雲仍敢忘崇報禮緣人情議愜廟貌瞻茲梅岡杖屨遺  
顧於焉登長我世德襲訓趾美鼎峰清齋一廟三世衆論



所歸載涓言日載奉祠版遷豆有踐禮儀有衍洋洋如在既  
右享之自今伊始無歎于斯

常享祝文

上全

道在躬行學期精研至行懿範裕我後人

韶鄉士林通文

丹院揭虔時

伏以鄙鄉先輩虎溪懶齋申先生及虎溪胤子忍齋先生兩  
世三賢德學風猷蓋亦吾南之所共景慕也諸先生俱以瑞  
世英雋之材乘國家賦明之運早親有道學業邁征聯登科  
第聲輝闡發令聞既敷進塗方闢始見仕學互優位德俱隆  
而卒當乘兆天地冠屨之變忠義並苑於同氣名節萃在茲

院祠文獻

十

一家至若伯府先生倡旅陳跡抗斥輪平之耻誓衆灑血奮  
發敵愾之氣况又學問造詣尤見於心志論辨之說庸學分  
類之圖巍乎壯矣季房先生聘命上國克揚專對之責圍在  
孤城首發和議之非蓋其墳麓淵源之正出自寒族而交遊  
道義之重齊處於桐石之倫若是卓矣亦惟忍齋先生以家  
庭詩禮克濟世美一時聲聞嶠南有三某之稱學中薦六行  
之備亦豈非稱家之賢乎於乎忠義兼全於一門事行俱著  
於兩世風聲之樹盛德之報猶將百世可祀也陋鄉未學無  
以奉承前烈其於當報之禮闕然久矣遺芳剩馥之地尚未  
有一席香火之薦固知未免於隣鄉大方之所棄也



歷世實蹟 狀碣表誌撮要

太師壯節公事實

公諱崇謙初名能山號野叟谷城人生而長大天授武勇神  
資機智射藝尤絕時新羅政衰羣盜分割甄萱據全州稱後  
百濟弓裔據鐵原補封裔統虐太甚公與忠烈公洪儒武恭  
公卜智謙忠節公庾黔弼武烈公裴玄慶并爲騎將詣太祖第  
勸行湯武事太祖拒之曰予實否德敢效殷周之事乎公等曰  
國中民庶受毒痛日夜思欲復之今德望未有居公右衆情  
所歸也於是諸將扶擁而出坐於積穀上行君臣禮裔聞之  
驚駭亡去太祖卽位詔策推戴功以公及洪裴卜庾爲一等

歷世實蹟

賜金銀器錦繡綺被褥綾羅布帛後唐天成二年九月甄萱  
猝入新羅王都時王與妃嬪宗戚出遊忽聞兵至不知所爲  
皆被陷沒萱遂弑王太祖聞之遣使吊祭親率精騎五千邀  
萱於公山桐藪卽今桐華寺大戰不利萱兵圍太祖甚急時  
公爲大將而容貌酷似太祖知其勢窮請以身代死使上隱  
於碓藪卽今符仁寺代乘御車與金樂力戰死之萱以公爲  
太祖斷頭貫戟而歸圍兵稍解太祖僅以身免及還陣求公  
尸莫辨大將庾黔弼等曰崇謙左足下黑子文如七星以此  
爲驗果得尸命木工雕造頭面猶生之容備服賜坐上躬行  
祭禮哭之甚痛命有司備禮葬于光海州春昭陽江悲万洞



諡壯節以公第能吉子甫藏並爲元尹創智妙寺以資冥福  
太祖嘗設八闕會與羣臣交歡慨念戰死功臣獨不在列命  
有司結草造公及金樂像隨坐班上命賜酒食酒輒焦乾假  
像仍起舞如生人自此排置樂庭以爲常成宗十三年以公  
及洪儒表玄慶卜智謙庚黔弼熙愷公崔凝配享太祖廟庭  
世稱六太師又公及表卜庚皆贈太師鑄四鐵像於平山太  
白山城

致祭太師祠文

正宗朝

維嘉慶元年歲次丙辰八月十六日

國王遣近侍臣左承旨申大顯致祭于高麗國太師壯節申



歷世實蹟

二

公忠節度公武恭卜公武烈表公之靈緬惟豐肇厥有四傑  
翼翼元勳孰與壯節公山之野桐蔭漂血京索榮陽紀焚之  
烈曰度太師虎奮于鶻經之湖南種種者髮湯并有夢通寇  
是剗猗卜武恭盟維第一爰炳其幾蠹茲宣言三重大匡亦  
峻乃秩若裴太師帷帳密勿額額恭城中夜以挾一騎之師  
居然旄鉞肅清遺像有範其鐵邑人士女歲時香苾鉅鹿之  
思頗牧同列賁以華扁侑以肥膾簫鼓在庭星輪交掣福我  
民社禾稼知粟其永報祀維億日月

遺衣帶詩

二首

箕畱洪範奠東海夫子繼周又聖神釋教問何創異端網歸



斯世毒欺人 出元 各編輯

自從儒業知斯害 佐袞終期掃佛神 天塞經綸王事急 只懷  
窮恨作歸人 出元 各編輯

晦軒安文成公裕追和詩 二首

箕莫東海千再歲 沫風又及但存神 薛公跡熄申公起 不幸


早年死節人 出元 各編輯

香燈處處皆祈佛 簫管家家盡事神 獨有數間夫子廟 至今

春草寂無人 出元 各編輯

重峰趙文烈公憲題行狀後

桐敷何年戰楚軍 東門一死漢王奔 分明紀信存劉氏 錯比

 歷世寶蹟

鄂公玄武勳

判書貞肅公事實

公諱允濡 初名元濡 壯節公十六世孫 鵝洲君玄孫 高麗忠

烈王六年庚辰正月壬辰 以左承宣申允濡 除版圖判書兼

軍器寺別檢校事 六月丙申 元皇帝以東國所上表箋語涉

不敬 詔徵撰表 人人皆計避 不欲行 公獨進啓 其略曰 方今

國事可謂無可為已 凡為臣者 不避夷險 以盡其職 是固其

分也 今廷臣當彼元欲困我之日 鼠畏狼顧 爭自謀回 思全

身若千金之重 忍為國若弊屣之賤 而終無一人臨難者 如

是而國將何為 臣請斬輕國愛身之輩 以勵其餘 亟擇能事



專對之人使不生患幸甚於是下集賢殿提學柳得韶等四人于獄秋七月甲子遣政堂文學李仁英魏元凱等赴京師時人比之唐介

出東史纂要

### 退齋公事實

公諱祐號退齋貞甫公子仕麗季官至按廉使故例遣近侍于諸道祭名山大川出陟守令之賢否糾察民風舉用賢良蓋極一時之選也與吉洽隱為道義交見靈運將訖歎曰從此杜門可也與洽隱并巒南下洽隱入金烏公入丹密晚景山共勵西山之操太宗朝以刑曹判書屢徵不起貞甫公沒廬墓三年有雙竹生于淚漬處事聞旋間命其里曰孝子

歷世實錄

四

里載國史輿地勝覽三綱錄墓在蛇浦乙坐原愚伏鄭經世撰碣文享尚州涑水書院有實紀刊行

### 府令公事實

公諱光富退齋公子本朝文科出入臺省以直言忤權敗爵中顯大夫內府令因隱不起大提學卞季良有祭文其略曰惟公有志如玉之潔惟公有行如泉之達提綱栢臺按巒南方服勤王事終始不違宜荷天休福祿是將何忤巨奸出為鐵府罹于三豎針砭莫愈哀哀兒女誰恃誰依嗟余小子蒙未有知寒門孤跡踽踽獨行何圖一日得此為甥今將涓吉適彼松京來陳薄奠哀慕曷已英靈如在庶幾歆止



靜隱公事實

公諱元福字仲綏號靜隱退齋公六世孫悔堂公兄自幼孝友篤至天性然也丙戌先公寢疾危屢醫藥無效時公年十八左右扶將暫不離側一日悔堂公求藥出公於憂違之中念弟不置未幾悔堂公自八公山採藥還公泣曰爾弱齡涉遠覓藥天心感爾誠癸巳遭大故哀毀滅性與悔堂公廬墓終制乙亥母夫人疾革公日夜煎泣及遭變極其情禮日三上墓攀號悲痛人以大小連稱之癸卯悔堂公從學周慎齋于白雲洞還告曰豐川之有書院實盛事吾鄉獨無葺修之所乎公曰是亦吾志遂與管建于長川其規劃多公之力也

歷世實蹟

五

丙子悔堂公終于廬所公痛割之至念其至行述其孝親友于之事名曰孝友錄金鶴峰誠一以小詩題其後賴齋公撰遺狀臨汝齋柳塗撰碣銘享梅崗祠

悔堂公事實

公諱元祿字季綏號悔堂退齋公六世孫孝友之行顯於三綱錄旋間記學問之純著于師友錄院祠文建院立學興起斯文載於營建識學齋記乙巳 國恤素餐三年與金河西七月八山之痛符其節義崇禎乙卯以士林疏請 贈通政大夫戶曹叅議 肅宗乙丑享歲待書院有文集

翼溪公事實



公諱允字喜之號興溪梅堂公長子蚤襲庭訓孝友純至先  
公棄世哀毀踰制比葬廬墓終三年壬辰島夷發難公與弟  
誠隱公慷慨揮涕倡起義旅爲前進節度議者曰強寇未易  
犯姑且避入山谷相機乘釁而發未晚也公笑曰吾已決一  
死勿復言與柳正字宗介金翰林坡鄭進士世雅約會於一  
直縣亭分左右衛遮截賊北來之路賊不敢恣意剽掠傍郡  
咸頽之癸巳遭內艱喪葬祭奠一於禮無違時值真荒人至  
相食公雖在哀疚中以捐財濟飢爲事或至并日而炊曠然  
不以爲意仁愛之蘊多此類也丁酉有薦者直授司憲府監  
察不赴放閒邱園優游自得爲世所推重焉

歷世實蹟

六

### 城隱公事實

公諱允字懼之號城隱梅堂公季子公賦性仁厚愷悌自幼  
服習笈子之職餘力學文而不煩提督自底于成丙子先公  
棄世公啜粥寢苦執禮過苦既葬廬墓終三年墓下構屋數  
架扁以永慕爲終身哀省之所壬辰島夷充斥奉母入黃鶴  
山雖干戈搶攘中凡養志便身之方靡不用極聞三京失守  
六駕西遷與伯氏興溪公慷慨揮涕倡起義旅翌年春遣母  
夫人喪哀毀幾絕喪祭一如禮無遺自是廢舉業取洛建書  
潛心研索至忘寢食癸卯因朝令撰輯龍蛇事蹟上編修  
蠶完平李相公見而歎曰考據精博辭理典雅深得記事之



體真良史才也戊申高敬履等妄論五賢誣詆晦齋先生公  
與從侄鼎峯弘道製疏甲 閣辛亥賊臣仁弘秉國政以退  
溪先生嘗於其師曹南漢成大谷指其病而不許以中道乃  
於陞配之初肆發誣逼之語公聞之憤然曰學者於是非之  
源毫釐有差則害流生民禍及後世於是推原兩先生相與  
之義而攻破其說請 閣陳跡兩疏俱載遺集公見時象珉  
亂不勝憂歎令諸子不習程文曰此非士子進取之日惟當  
杜門晦跡謹言飭行不至貽累先德可也詎齋舊規撰誣文  
有遺集二卷

鼎峰公事實

歷世寶蹟

七

公諱弘道字大中號鼎峰靜隱公孫始母夫人夢有人自空  
下告曰今夜當生異男背上有黑痣其驗之及分娩果然見  
者異之自幼澄然如玉端嚴齊慎不喜爲羣兒戲五歲始受  
句讀讀數篇文理自通七歲能綴文遇題放墨神思川湧往  
往有驚人句語十三讀論語至顏淵問仁章輒忻然曰學者  
作聖工夫其在是矣弱冠從惟一齋金彥瓊學甚見敬重家  
東五里許有仙巖寺公貯書數百卷日處其中俯讀仰思如  
是者四五年學業大就旁通舉業每試居魁省闈報罷甲  
寅靜隱公棄世公躬親殮襲戚屬備至庚寅先公有疾公憂  
惶晨夜不交睫及喪拚拚不能支母夫人因寢疾繼沒公號



哭兩殯哀動隣里壬辰島夷蒞難州鎮尾解赴從叔與溪公  
倡義所向管軍務如蒹柵之具餽餉之需無不竭力贊畫癸  
巳天兵南下供億調度無從出公爲巡察使作收糧文辭意  
懇惻公雖在干戈不廢存省之工與張旋軒徐樂齋結道義  
交樂齋贈詩一絕曰聖謨賢訓日星陳此意何殊讓別人高  
躅小齋淹注幸沿洄伊洛可通津庚子巡察使以遺逸薦公  
于朝戊申與從叔城隱公爲晦齋先生仲卜既晚年移卜于  
仙巖與諸生講學不怠以八斗文章名於世行八邑訓導丁  
丑以士論廢享梅崗祠

虎溪公事實

歷世實蹟

公諱適道字士立號虎溪梅堂公孫城隱公長子公稟質粹  
美孝友純篤文望夙就請益於寒菴之門與二弟專心講究  
丙午中司馬甲寅遭內外艱哀毀幾不支廬墓終制公嘗任  
水溪洞主賊臣鄭造以嶺伯尋院題名公曰不容暫齒於儒  
籍因割去禍將不測辭理不屈造亦無奈丁卯藩奴猝至公  
糾合義旅爲前進節度聞和事成輸糧補國赴闕陳疏仍  
除祥雲寮訪郵氏立碑頌惠壬申拜齊陵叅奉不赴丙子  
復起義疎馳到廣陵已有下城之耻公即抗疏以斥與金清  
陰鄭桐溪痛哭而退尋除健元陵叅奉不就構茅於鶴  
山薇谷扁以採薇以經史自娛丙辰享丹邱書院丁卯以補



衣 啓請 贈吏曹叅議有遺集倡義錄

倡義錄後序

吏曹判書姜蘭馨製

炳日於千秋之上而皇綱振聞風乎百世之下而志士勵此  
固古人之所難辨常品之所未能也昔在 仁祖丙子之亂  
乘輿播遷國勢岌岌其時擁兵之將率多逗遛而惟金君湜  
鄭君弘溟倡義於嶺湖余甚壯之在廷之臣多主講和而獨  
洪公冀漢與公達濟尹公集苦心斥和余甚尊慕焉然而倡  
義者未必皆斥和之人斥和者未嘗有倡義之舉誠以一節  
猶難而兩兼未易也矧茲一人而再倡義兵亦世所罕有者  
耶惟我虎溪先生曾於丁卯西鄙之陷虜也糾合義旅輸糧  
詣 闕又於丙子南城之逼賊也召募義士星夜馳赴先生  
之於倡義凡再矣及聞和議已定封章而非之知詩而斥之  
遂退薇谷杜門謝事先生之於斥和亦至矣偉哉先生之大  
節也先生諱適道字士立嘗請益於寒旅而賢之門得聞淵  
源與二弟廬墓盡禮以孝友聞且任冰溪山丈割賊鄭之籍  
扶植大綱而若是乎倡義則似而義將斥和則似三學士其  
大義高節固可以炳千秋而勵百世也夫

贈贈賀章

選一

全人

大明日月韶州界山嶽青青獨採之送別當年三學士相尋  
無路更何之



晚悟公事實

公諱達道字亨甫號晚悟生而岐嶷五歲從堂兄昂峰公受句讀嘗自述四十言曰皇天賦予初無賢不肖之異雖聖賢亦非兩口而四目彼丈夫我丈夫有爲者亦若是期追前脩之微過又書程子四勿箴揭壁觀者壬辰之變爲親負米以資菽水及長贊謁月川先生又謁西厓先生贊拜泰軒先生講理氣分合庚戌陞上庠甲寅荐丁內外艱哀毀盡禮見時象乖亂入黃鶴山中杜門求志癸亥仁祖改玉擢庭對第一補典籍冬移成歆郵丞有聲績轉判全州吏戢民平丙寅除刑曹正郎冬拜正言上疏陳時務十條上嘉納丁卯濬

歷世實蹟

十

奴發亂勲宰發幸蜀之論公以犬駕移城一步則民散矣親駐坡州以示自強切諫上改容及至講和痛哭陳疏請斬李貴崔鳴吉朝著悚然世稱斥和二學士指公及尹公煌趙公綱因進經國撥亂酬怨刷耻之策繼陳急務五事及椶島帥毛文龍搆誣我國事將不測月沙李相國以公啓差公奉命入島據實伸白天帥感動及歸呈文請還本國被擄人審賊情虛實上固邦保民戡亂之策尹煌趙綱論勲宰驕橫卒被譴責公以臺諫公議不可沮摧爲仲收疏戊辰拜禮曹正郎奉命審咸興二陵見西土飢荒陳疏賑撫拜掌令因沿路飢荒陳遇灾修省之策庚午夏參



弘文錄平未以掌令趨 朝陳劄請寢追崇 上震怒遂遞  
軍資監正尋拜弘文館修撰以寧 社敷贈都承旨第頤齋  
公撰行狀葛卷李玄逸撰碣文有遺集五卷

頤齋公事實

公諱悅道字晉甫自號頤齋天資澄然如玉九歲拜拔軒先  
生先生教以正坐十餘歲已通經史讀屬文十七被選都會  
十八中進士甲寅遭內外艱哀慕踰禮辛酉體察使下三道  
取士公被選居魁甲子 殿試登乙科立朝三十年歷殿中  
外在外則副正字博士典籍直講佐郎正郎八諫院憲府為  
正言者一為掌令者四司諫者一兼帶則記事官記注官知

歷世寶號

十一

製 教在外則鏡城判官蔚珍縣令醴泉郡守綾州牧使出  
使則從事官書狀官京試官丁卯當西籜苞 駕入江都抗  
疏爭和議之非丙子西兵大捨公扈 駕入南漢及和議成  
與同志止疏力爭之以死自誓常以幅巾帶自隨作家書以  
處後事嘗陳章以李文純公所進 宜廟聖學十圖作屏障  
為有坐之具嘗贊遊寒岡先生益知為學之方嵩沙金應祖  
撰誌文葛庵李玄逸撰碣文享丹邱書院有菴李敦禹撰常  
享祝文有文集四卷

寺正公事實

三柏堂

公諱志道字汝遠 恩除司僕寺正與溪公第三子公性好



學出入於張旅軒門爲儕友所推重乙卯丁外艱哀毀盡制  
奉偏慈色養無違及丁憂戚易得中服既闋移卜梧桐山下  
屏舉業一室圖書玩而樂之無一毫外累鄉人高其行薦于  
邑宰再申于方伯至陞禮部而一命未及焉可勝惜哉

### 華谷公事實

公諱師道字德友悔堂孫興溪公季子隱居行義不求榮利  
效嚴光之高卧慕陶令之情話與同氣從昆季講論經史晝  
宵不怠教子訓孫以忠孝廉潔爲主時與同志間以游詠怡  
養林泉爲世推望焉

### 清齋公事實

歷世實蹟

十二


公諱壻字時受號清齋鼎峰公長子公生而端潔不類凡兒  
嘗發憤自勵獨處靜室竟日呻吟夜則焚膏以繼之自經傳  
子史至洛閩諸書反復研究通透而後止文學大就癸酉中  
司馬遊泮官聲聞藹蔚丙子丁內艱啜粥寢苦執禮過苦既  
葬日徃省悲號寒暑不避人稱善居喪乙酉擢巍科除承  
文院正字戊子宰金泉郵丞捐俸補役或勸以俸餘立產業  
公曰吾以清白自勵何忍爲口腹拂所守乎仍陞成均館典  
籍丙午移禮曹佐郎又拜持平丁酉出宰禮安赴任翌日詣  
謁陶山與諸生講論文集以寓未及樞衣之感爲政以誠信  
不欺爲主嘗着袍臨民當懸處缺吏進一布請改夫人曰恐



免我君子清德遂還之居數載解歸中道檢裝有銅十緡命却之杜門養病以書史自娛聞朝政有關憂形于色世稱清標高操享梅崗祠柳江阜尋春撰常享文

忍齋公事實

公諱塚字子卿號忍齋虎溪公次子天資端懿謹重齟齬讀書究大義聞先世懿行講小學曰是吾家書孝悌忠信乃我世業張旌軒闈而奇之認齋崔公亦器重之見所製文曰文體已得韓歐軌範季父懶齋公朝天還以皇帝所賞庸學性理等書悉與之其期倚甚重湖陽權公見公二五四七說曰見知明的丙戌魁進士與泮長論學制之失皆復之甲午



歷世寶蹟

十三

孝宗謁聖廟召諸生 教曰聖學十圖李文純所製為釋圖義公逐條解進又 命作策式公即製進 上稱賞嘉納嘗作太學銘揭之泮壁與二李公同韓德望文學相次泮中以三某稱 命有六行之選泮長首薦于 朝公以別薦媒進遂賦歸時公年已衰怡愉侍側養志承意溪亭薇軒亦親命成之庚子丁內艱癸卯丁外艱俱廬墓及毀一遵儀節服既闋置別業於八智扁以止止因地名黃鳥取於止知止之義模揭圖書栽植梅竹與洪木齋講易于冰院與宣城諸賢講退陶書于巖棲軒有同榻錄講錄與李副學堂揆議歲待書院殿享亭丙辰士林躋享于丹邱書院史參李敦禹撰常享文

李大山先生撰碣銘銘曰

鵝洲之世以孝著聞天篤降祐子孫振振公鍾厥  
美富宥才性嶺稱三某館薦六行悲纏蓼芽跡謝  
公車晤語梅竹酣飲圖書婆娑隱約永矢無改鄉  
里百世遺風未沫八智之原四尺有崇我銘斯石  
用詔無窮

敬齋公事實

公諱站字子高號敬齋虎溪公季子天資溫雅氣宇端潔既  
就學聰明日進十餘歲通經史事親極孝與叔兄悉齋公廬  
墓盡禮一庄以敬爲日用工夫扁齋警省杜門養病不攻舉

歷世寶蹟

十四

業與忍齋公講論經旨或有疑難稟質于季父懶齋公

公嘗著敬齋銘以寓箴警銘曰天賦厥初心惟虛靈心之用  
工不外乎敬心則伊何一身主宰敬則伊何一心主宰日用  
常行舍敬奚爲潛心以居慎獨戒懼對越上帝毋敢或貳主  
一無適四端擴充兼諸內外貫乎動靜徹上徹下成始成終  
萬善從出九容俱備出入起居修身處事惟心惟一萬理昭  
昭周旋抑旋無不規矩守口如瓶言不妄出防意如城閑邪  
之入念茲在茲其可不力如履薄冰若素拱璧萬言萬事莫  
不由敬終身不違表正裏正須臾有間私欲並起毫釐之差  
千里之繆綱常已頽教化亦弛嗟嗟小子念哉敬哉



禾谷公事實

公諱在字文若號禾谷晚悟公長子有孝友文學早歷國庠  
蔭補司憲府監察轉移春滿衛率尋拜恭仁縣監兼長城鎮  
管兵馬節制都尉以德政稱績撰聞韶邑誌人物篇有遺集  
送齋公事實

公諱圭字君瑞號送齋晚悟公仲子生有異質十餘歲讀書  
通六藝下筆輒成章與伯氏同業人以老泉家二蘇比之癸  
亥修撰公登第未還羣盜夜入國害人命公與伯氏蒼黃冒  
兵刃奉母夫人以避修撰公遊宦京師公從之就玄洲趙公  
學玄洲大加敬重鄭愚狀以珠玉贊之甲子修撰公通判全

歷世實蹟

十五

州公與伯氏從之時李尚書溟按節是邦見公大異之論文  
臺壘不厭士大夫行過南州必曰全州有二箇奇賢辛未修  
撰公在京疾革公泣血籲天血指以進見者驚歎年十八赴  
鄉解考官以夫子贊於堯舜發論老師袖手莫敢措辭公一  
筆即就遂居魁等子多傳誦之戊子中生員辛卯登明經科  
隸槐院例陞正字著作博士兼奉常直長嘗以注書入侍記  
注筆法瞻敏諸字咸噴噴稱賞嘗出宰高靈入爲禮曹佐郎  
桃溪公事實

公諱登字子善號桃溪晚悟公季子天資醇意韶敏先公率  
于京哀毀如成人戊戌遭內艱一如前喪平生居生業費產多

讓於諸兄晚拋舉業與宗族朋友日講書史論議寬和人稱  
薰醉德義尹判書以濟權判書愈交爲莫逆終始不替

### 霞村公事實

公諱坂字定叔號霞村懶齋公次子生而穎慧甫八歲受小  
學於先伯父講論文義雖老師宿儒殆無過焉庚午丁淑人  
憂哀毀執喪如成人乙亥往拜袁軒先生留數日屢賜警誨  
及辭歸曰觀其溫雅克持庭訓自是名譽益隆蒼石李先生  
嘗觀所製以爲大有作者氣丙子清兵猝至先考懶齋公  
扈從南漢園中遺書以訣公奉書痛哭曰君父危急之際豈  
可晏然爲苟活之計哉父死於君子死於父天經民彝之不

容已者遂爲赴難之計可見平日素講之大節也先公奉命  
朝天公年十二取一囊緘之甚密人問之答曰此行中所用  
藥今於萬里之行可不緝乎奉餞知舊莫不異之公用力  
於誠正之學如六經四子心近性理書晚益講讀已亥丁外  
艱哀毀骨立一依家禮必誠慎勿之有悔焉及疾革命子第  
書所訓諸條再三勉焉

### 丹厓公事實

公諱博字方叔號丹厓懶齋公第四子孝友天至餘事舉業  
屢中鄉解丙午抗議禮疏坐謫於湖西翌年放還杜門養病  
機溪公事實



公諱梓字敏叔號機溪順齋公季子贅居禮谷密邇不知巖  
與聽天南坡諸賢講論不怠涵泳先師之遺馥又移機峰下

肯慕齋 三栢堂事實

肯慕齋

三栢堂

公諱垆字重叔號三栢堂梅堂先生曾孫寺正公于容儀端  
雅資質溫醇樂易制行愷悌為仁嘗因先公手植三栢澗  
掃築砌日哦其間有儕友題詠記述寓以貞操勁節構數椽  
於其側扁以三栢教訓諸生多有成就世以隱逸稱焉後  
贈通政大夫承政院左承旨

芝軒公事實

公諱禹錫字龜瑞號芝軒恐齋公長子大資粹美文學夙就



歷世實蹟

十六

性至孝廬墓盡禮晨昏必拜廟著家訓述鄉約與一時宏碩  
研究講劄無些餘蘊挾洛建要旨以敬為主徵家禮演邦策  
有言時政便者忻然拱手向北拜祝言不便輒止之曰聖上  
得無憂乎長吁却寢食案置明朝正朔曰父師所尊慕家貧  
講誦不掇吏判勉庵崔益鉉撰遺稿識文

龍巖公事實

公諱恭錫字恭之號龍巖晚悟公孫風儀異常穎悟出倫嘗  
赴外王父金川任所逢胡使犯路胡使發怒招致公長揖不  
拜胡使見公風骨問曰我見爾君爾君亦加敬何唐突公曰  
朝廷有儀節草野無禮法胡使給雜貨公却之胡使語接伴

使曰我見第一人物此當出將入相公慕清陰先生氣節見其集曰花山一境固宜受靈尚無士論可惜丁卯進六條疏已已聞 坤殿廢法然曰君雖有過朝臣無抗諫亦無救非公皆是名教中罪人再上復位疏抵死爭亦及 聖母賓天公號痛茹素期年丁丑與二弟議立六臣祠合殿三賢辛巳生沙溪先生躋庶疏三度蒙 允有遺集

百忍堂公事實

公諱禮錫字敬夫號百忍堂晚悟公孫纔免懷失慈育九歲丁父病晝夜侍湯遭憂哭踊知禮具喪經哀號事兄如嚴父成童前已有孝友聲早肄博士家言屢中鄉解已而歎曰今

親不在矣不復就舉辛未拜遂菴權先生于黃江得聞心學之訣又往從金農巖鄭文巖講磨質疑性度寬厚不立崖岸尤眷眷於表賢尚德與仲氏龍巖公創鶴山書院奉祀辭於黃江平注以恨未先夫人衰服五十五歲行追服此非禮經所在苟非天性摯孝能如是乎丙戌龍巖公遠瀟獨不疑懼入救人以病不染補之以行義屢登鄉道剡章

自足齋公事實

公諱鳳錫字錫予號自足齋興溪公曾孫生而聰穎齠髫已曉文義嘗以親命觀魚梁惟持一鯉而歸先公問之公曰我不忍盡物取之先公患冷胃公常薰瓦罏之冬月尾湯冷而



適之靡辭若非祭祀奉親不殺鷄豚手不拊方長之木復不  
向日月之光乙未遊太學一日諸生出遊惟公及湖南一儒  
生獨留 孝宗別遣內侍見館中有兩生出論題試之公製  
居首特 賜第旋以臺論罷壬子連遭內外艱哀毀逾禮身  
雖草布不怠國事 肅宗朝陳五弊疏 批旨甚眷進士李  
秀養撰碣銘曰既孝于家欲忠於國於物廣愛在已多足自  
幼及老積而為德不達何病百世餘祿

元齋公事實

公諱乃錫字知彥號元齋靜隱公玄孫性孝事親誠敬備至  
先公患劇求藥至感動船于心己卯同日遭內外艱哀毀幾



絕廬墓號哭雨雪不廢時人各其山谷曰孝友戊申賊變就  
退問公義陣軍伍糧餉多有條定臨汝齋柳塗撰碣銘曰鵝  
洲名閩孝友為本公承其緒化行門闢淵而不陸世孰知者  
刻示茫茫我言非訛

槃窩公事實

公諱德浩字聖欽號槃窩忍齋公孫慈詳孝友間以餘力治  
舉子業清麗瞻霄譽登龍額選宋克大闡往從李葛庵先生  
得聞為學之方有求道之志潛心經籍至忘寢食晚移考槃  
洞取適軒之旨扁以槃窩戊申變與三從兄瀛確議營康寧  
功資畫焉